

清·方略館 編

清代 方略 全書

北京圖書館出版社



清代方略全書

一八九

清·方略館編

北京圖書館出版社

清·奕訢等撰

欽定平定陝甘新疆回匪方略

卷二四五——二六一

清光緒二十二年（一八九六）鉛印本

欽定平定陝甘新疆回匪方略卷二百四十五 辛未年

五月十九日 戊申烏里雅蘇台將軍金順奏言河

西三縣投誠之回前已編立保甲妥爲安置嗣
訪知尙有附逆之徒潛匿其中並有受害漢民
指名控其罪狀臣與張曜帶隊親赴各鄉按冊
點驗共查獲馬強米萬銀納玉標牛大科等四
百五十七名訊明後卽行正法近日甯夏山後

阿拉善旗有西來竄賊搶掠生畜該旗地方遼闊自應派令馬步隊伍前往相機援剿至河州西甯一帶寇患方殷一經南路官軍進規竊恐窮而東竄甯夏爲北路巖疆控制中外尤應分布設防先爲之備現籌於南北要衝磴口橫城等處派隊扼紮總期已復之地不爲外賊所乘至臣與張曜所部各營經年血戰亦多傷病逐

加查驗分別遣留歸併營伍現皆一律精練惟
山後又有西來股匪東路花馬池一帶亦有匪
蹤出沒仍須力籌防剿以固邊圉臣與張曜所
部各軍疊次攻堅奪壘炸礮甚爲得力通計在
營礮位大小約二十尊請撥炸子未能敷用不
得已商之張曜僱覓工匠設局鼓鑄惟一局之
費約在二萬兩皆係挪動正餉暫應要需仰懇

天恩飭部撥發以清餉款至張曜一局費用亦屬不貲

並懇

飭下河南撫

臣

一律覈發奏入

上命軍機大臣傳諭左宗棠金順李鶴年張曜袁保恆
曰甯夏爲北路巖疆刻下雖臻靜謐而西路賊氛尙
熾自應分布設防以資捍衛金順會商張曜分派各
隊扼紮磴口橫城等處所籌尙屬周密金順起程後

卽著張曜督飭派出各軍嚴密防剿勿稍疏虞河西
三縣投誠之回均已造冊交地方官編立保甲妥爲
安置其附逆之徒並由受害漢民指名控告者亦經
金順等搜獲正法至四百五十餘名之多該回經此
痛剿自當懷德畏威不至再生反側惟附近漢民亦
不得有意尋仇致成釁隙本日明降諭旨一道著張
曜刊刻謄黃徧行曉諭俾漢回永遠相安以副朝廷

一視同仁至意阿拉善旗地方既有西來竄匪搶掠生畜之事張曜務當飭令馬步隊伍迅往防剿勿任蔓延花馬池一帶亦有匪蹤出沒左宗棠當檄飭東路官軍實力剿捕張曜仍妥籌兼顧毋稍疏懈河州等處逆燄方張左宗棠總當激勵諸軍鼓行而西滅此朝食豈可頓兵不進致軍心懈怠將士思歸以勝兵而轉成暮氣該大臣自金積堡克復後久未據報

進兵機宜實深廛系著懷遵疊次諭旨迅將籌辦情形據實具奏不得粉飾遷延致誤大局金順另奏軍營設局鼓鑄礮子需費甚鉅無款歸還請飭部撥銀二萬以清款項并請飭河南撫臣覈發張曜局費著袁保恆卽於西征糧臺籌撥銀二萬兩清還金順鑄礮局費其張曜營中礮局之需卽著李鶴年如數籌撥作正開銷前據曾國藩奏續飭上海製造局製備

洋火藥二萬磅洋礮藥五千磅金底大銅帽二百萬
顆二十四磅開花彈子四千箇藥引六千箇木心六
千箇委員解交天津道查點收存由金順委員迎提
赴營等語著金順張曜迅速派員赴津提解到營以
應急需金順現須前赴烏城此項軍火應如何分撥
應用之處著與張曜妥商辦理

上諭內閣曰甘肅甯夏河西一帶回民良莠不齊疊經

金順會同張曜分別勦撫續又查獲馬強米萬銀納
玉標牛大科等訊明正法所有甯夏甯朔平羅投誠
回衆均交地方官編立保甲妥爲安置毋令失所經
此次安插撫恤後該回衆等務當改過自新各安生
業毋得再有反側負朝廷寬大之恩其附近漢民亦
不得有意尋仇藉端控告致啟猜嫌總期彼此相安
爭端永息地方官吏遇有漢回事務尤當持平辦理

不可稍有偏袒以昭公允而弭釁端

二十日己酉左宗棠穆圖善奏言四月初一日有

回逆數百竄至兩當經總兵文德盛迎擊於鯪

箕灣敗之復竄徽縣娘娘壩初二日徽防提督

胡國珍等截擊獲勝生擒海萬明等十餘名該

逆又由前川竄入秦州境內經提督楊世俊飛

調馬步各營分路進擊陣斬三百餘名生擒四

十餘名據擒賊供稱此股頭目係河州馬秀馬
貨郎麻哈等此外尙有悍目馬榮蘇萬祥劉羊
各率悍黨分竄意圖合股馬秀馬貨郎俱斬於
陣另股東竄之賊折擾禮屬鹽關一帶復經楊
世俊截擊於麻子溝等處擒斬幾盡適悍賊劉
羊以二百餘騎擾及秦屬之梁家大莊楊世俊
率隊奮擊斃賊多名斬劉羊於陣計先後斃賊

三百餘名生擒六十餘名奪獲羸馬器械無算其竄擾甯遠屬一股經提督張仲春出隊掩擊斃賊多名又追敗賊於王家寺殲賊目何二於陣初五日探悉另股賊匪自鹽關竄至伏羌屬境張仲春拔隊馳往奮擊敗之生擒賊目張馬逢及楊復子等數名解營正法其另股賊於三月二十七日由娘娘壩竄擾觀音店經總兵田

連考道員田應龍各率所部分路前進田連考
擊賊於徐家溝賊衆蜂擁圍合我軍極力抵禦
適道員田應龍率隊馳至田連考突圍合攻斃
賊百餘名又追殺百餘名生擒八名奪獲羸馬
器械無算二十五日復敗賊於柳家溝餘賊向
通渭回竄會甯復經副將李華擊之於曹家川
斃賊尤多臣維竄匿河州之賊多係甘南等處

敗殘餘孽而秦州禮縣逆回亦溷跡其間經此
次各軍分道截勦漏網無多旣無可掠之食又
無可據之險此後諒不能爲患矣

左宗棠又奏言欽奉

諭旨垂詢現在賊蹤軍情多與陝甘交界州縣探報相
合惟與各營稟報間有不同四月初八日官軍
無追賊至禮縣挫敗之事娘娘壩高橋牡丹園